

AGENDRE TRINITATIS

MINGGU 31 MEI 2025

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai** :
SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre. Ma'owai Ami fefu, : Ya'ahowu.
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 30**

30. BA NA UFAIGI MADALA 1

do = bes 4/4

MM = 88 - 96

1. Ba na ufaigi madala sihaga, na urongo we ugu mbanua.
Ba lö aetu wa' ahöli dödögu wangi' ila niwöwöi Yehowa.
Lowalangi Fondrege Zebua, suno Ia Halleluya.
Lowalangi Fondrege Zebua, suno Ia Halleluya.
2. He So' aya na u' erönu tödö mbualala-Mö wangefa' ö horö.
Tokea ndra' o me khögu tetöfaigö nibè Yesu do ni' amoni' ö.
Reff: Lowalangi Fondrege Zebua,

2. FANGA'ARO'Ö WA'OWULO (VOTUM)

- SA** : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

- SA** : Ba u'ila Zo'aya, si dadao ba dadaoma sebua, si no alawa: anönö gosali ahe mbaru-Nia, önö gafi zamösana. Dua mbalubalu mbawa ba dua mbalubalu gahe ba dua ba Wehombo. Ba faoma lamane-mane we'ao khö nawöra: Ni'amoni'ö, Ni'amoni'ö, Ni'amoni'ö Yehowa ngahönö andrö; no anönö lakhömi-Nia guli danö ma'asagörö. HALELUYA.....

SA : **Manunö** : BZ. : 452**Halleluya..... Halleluya..... Halleluya.....****SA** : Mangandrö ita :

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö bangawalö gabula dödö, tundreheni faböi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuna ba nifolakhömi Ndra'ugö, awö Zo,aya ya,aga Yesu Keriso ba Eheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 234**234. YESU ZANGUMA' Ö**

do = a 4/4

MM = 96 - 104

1. Yesu zanguma ' ö, khö ndra nifahaö.
No Ya' odo haga, si lö mamalö.
Solo ' ö Ya ' odo mohaga dödö .
Ba ogömi dödö zi lö molo ' ö.
2. Faduhu dödöma, Yesu ba li-Mö.
Öhagaini dödö zamati khö-Mö.
Fa oroma horö ba si ra' iö.
Afu ma' ondrasi gahe röfa-Mö.

4. FOMBASO TAROMA LI LOWALANGI FAMÖRÖGÖ (AF)

: Da tafondrongrongo daroma Li Lowalangi, tehalö moroi ba zura **Yesaya 44:1-8**

1. Ba fondrongondrongo sa'ae, ya'ugö ma'uwu Yakobo, enonigu, ba ya'ugö Iraono Gizeraëli nituyugu andrö!
2. Da'ö niwa'ö Yehowa somböi ya'ugö, samazökhi ya'ugö, i'otarai dalu ninau, sangorifi ya'ugö, imane: Böi busi dödöu, ya'ugö enonigu ma'uwu Yakobo, ba ya'ugö banua sadölö tödö andrö nituyugu.
3. Ulau sa'ae nidanö ba zowökhi tödö ba ufatörö mbombo ba danö si no oköliköli: ulau Gehehagu ba ma'uwumö, ba howuhowu andrö khögu ba madoumö.
4. Ena'ö molöndru ira ba gotalua ndrö'u, ena'ö manöi, si mane bou ba mbewe nidanö.
5. Imane si samösa: Khö Yehowa ndra'odo, ba si samösa, ba isuno döi Yakobo, ba samösa zui, ba isura ba dete dangania: "Khö Yehowa", ba labe'e nönönönö döinia Gizeraëli.
6. Da'ö niwa'ö Yehowa, razo Ndraono Gizeraëli andrö, sangorifi ya'ira, Yehowa ngahönö andrö: Si föföna ndra'o ba safuria ndra'o, ba baerogu, ba lö Lowalangi.
7. Ba ha niha zihede si mane ya'odo, ba yamufarongogö ba yamufa'ele'ö khögu! i'otarai me ufataro soi andrö, si no götögötö fa'ara. Ba si lö'ö na, salua dania, ba ndramu'ombakha'ö!
8. Böi ata'u ami ba böi tokea! Hadia, tenga no ara sibai, me u'ombakha'ö khömi, me ufarongogö? Ya'ami sa'ae zi so ba mbörö khögu! Hadia, so Lowalangi, baerogu? Lö gowe (danedane); lö ni'ilagu!

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangi, si lö ambö fa'abölö, ba si no fahöna fa'omasi. Mafaduhu'ö wa tenga sinangea ndra'aga tanö föna-Mö, me no fahöna höröma si no mafalua i'otarai iraono ndra'aga, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö si no mafalua, irege sohahau tödö ndra'aga wanohugö fekolima ba zi so fönama si faudu ba zomasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu, Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ubini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

1. Ba fa'a tulö ba gulidanö ba niha ni'omasi 'ö andrö
(mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrondrongo daroma Li Lowalangi, tehalö moroi ba zura **II Timoteo 4:1-5**

1. Uw~a'ö sibai khöu, föna Lowalangi, ba föna Keriso Yesu, sanguhuku dania niha sauri, awö zi no mate, ba wa'ato'elenia, ba ba mbanuania andrö:
2. Ombakha'ö daroma li, böi bulö'ögö, he baw~a, ba he tenga baw~a, otu'ö ira, farou dödöra, ba feta'u ira, ba ya'a'oi so wa'ebolo dödöu, awö wamahaö,
3. Iruigi sa dania baw~a, si tebai lataha wamahaö si ndruhu andrö, ba lahöna dania khöra zamahaö somasi ira, si maoso mbörö dalingara,
4. ba la'erogö zi duhu, lö lafondrondrongo, ba la'otahögö wayafaya andrö.
5. Ba ya'ugö andrö, ba böi fawuka dödöu, gofu hadia ia ngawalö, taha wamakao, halö halöw~öu, halöw~ö zangombakha turia somuso dödö andrö; fo'ahonoa nibayabayau andrö,

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi fasömbata sanandrösa ba pembangunan Rumah Dinas Pendeta Resort . Ba si föföna ua da tafondrondrongo Li Lowalangi me imane:

- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi.

SA : Tafa'ema wasömbata khö Lowalangi, manunö ita moroi ba Mbuku Zinunö
Numero 208

208. SAMATI BA KHÖ ZO' AYA 1

do = a. 4/4

MM = 96 - 104

1. Samati ba khö Zo ' aya ha sambua boto.
Faulugö wahasambua khö Yesu Keriso.
Ba faoma fa ' ohe tanga, fao famati saro.
Atulö, ohahau dödö wogamö sorugo.
2. Lö tebulö ha sambua danedane saro.
Lowalangi ba zorugo ba Yesu Keriso.
Ba famayagö idanö ba famati saro.
Da' ö wamaböbö niha wefao khö Keriso.
3. Fefu ita oi tatema howuhowu Nama.
Andrö ta' oigö dödöda ba halöwö-Nia.
Ya so wangidengide' ö Yesu zangoroi' ö.
Solo' ö somasi Ia mangomasiö awö.

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE 1

Ira'alawe □

1. Ya ' e zumange fasömbata, ma ' ohe sumange Yehowa.
Iramatua
Reff :Ma'andrö khö-U fahowu'ö zumange ni 'ohema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasawamasi, btm ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*)

8. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kejiata Komisi Bapak
 - c. Kegiatan Koremda
 - d. Kejiata sektor 2
 - e.

9. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

1. Uhonogö sibai dödögu ba wamondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo'ö.

10. HUHUA SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi *Matai'o / Matius 28:16-20 (Tuho Migu: Tobali Samaduhu'ö Lowalangi si Samösa Tölu / Menjadi Saksi Allah Tritunggal)*
 - Fanuriaigö
 - Nitanö ba dödö. *Matai'o / Matius 28:19 (Mi'ae mibali'ö nifahaö fefu soi, wamayagö idanö ya'ira ba döi Nam aba ba döi Nono ba ba döi Geheha Ni'amoni'ö. / Karena itu pergilah, jadikanlah semua bangsa murid-Ku dan baptislah mereka dalam nama Bapa dan Anak dan Roh Kudus.)*
 - Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU²

1. No mafondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

11. TUHO WAMATI

- SA** : Me no tarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida
- SA+SATO** : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

12. ANGOMBAKHATA BA MBANUA NIHA KERISO

13. **SA** : Da tafondrongo gangombakhata:.....

14. MANUNÖ

SA : Manunö ita moroi ba Mbuku Zinunö **numero: 138 ayati 1-2**

138. YA' ODO MÖI ENONI YESU

Lala : U' ila Wa no Fa' omasi (No. 230)

do = f 3/4

MM = 96 - 104

1. Ya' odo möi enoni Yesu, ba wama' ema li-Nia.
Ululu fefu wa ' aurigu, amatöröwa Zo ' aya.
Me no höligu ndro-Nia, ba wa ' amate ba röfa,
ba wa ' amate ba röfa.
2. Taroma-li si fao Eheha, zanga' aro' ö tödögu.
Ya mofa' auri ba dödögu, afu möi fangabölögu.
Ba wama' ema turia, si möi fangorifi niha,
si möi fangorifi niha.

15. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso,
Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **138 ayati 3**

138. YA' ODO MÖI ENONI YESU

Lala : U' ila Wa no Fa' omasi (No. 230)

do = f 3/4

MM = 96 - 104

3. No danedane wamatigu, daroma li-Mö So' aya.
Ba ha da' ö wangabölögu, ba wangombakha turia.
Fahowu' ödo, So' aya, wolohe niha khö Nama,
wolohe niha khö Nama.

SH : YA'AHOWU

SATO : YA'AHOWU